



121.

DEO OPTIMO MAX.

UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICA,*

QUODLIBETARIIS DISPUTATIONIBUS,

manè discutienda in Scholis Medicorum, die Martis tertîa

mensis Martii, anno Domini M. DCC. LXXII.

M. JOANNE-JACOBO MESSENCE,

Doctore Medico, Præfide.

An in morborum Therapeiâ habenda est ratio Epidemiæ grassantis?

I.



EPIDEMICI morbi sunt ii qui ex communi causâ oriundi plures, simul, in eodem loco aggrediuntur. Nullum est morbi genus luctuosius: nam jure affirmaveris plures eâ peste quàm cæteris omnibus morbis è medio tolli homines: nullum curatu difficilius, deficiente sæpius medico optimo duce experientiâ, deficientibus libris quos consulat: nullum denique morbi genus Epidemiis latius diffusum, nullum frequentius ingruit. Etenim ne unus quidem effluit annus in cuius curriculo morbum epidemicum saltem unum quivis non nomet & plures non indicet medicus sagax & exercitatus*, qui vel apertè sæviunt, vel occultè suam indolem aliis morbis imperiuntur; quod quidem accuratissimâ sedulitate investigandum est Medico laudis & felicem successuum cupido. Non ignoramus

* Baillet,
Sydenham,
Gerbenius,
Winteringham,
Huxham, &c.

* Auctore M. LE BEGUE DE PRESLE, 1759.

A

plurimos Medicos & imprimis recentiores ubique gloriari se morbum quemlibet citò & tutò sanare posse, nullà Epidemiarum ratione habità. Contra illos contendimus morborum cognitionem esse sæpiùs dubiam absque Epidemiæ grassantis præviâ notitiâ, & in illorum Therapeiâ illius Epidemiæ rationem esse habendam.

I I

IN plerisque morbis *indicationes* curativæ certæ desumuntur ex observatione exquisitâ symptomatum; quibus *indicationibus* si Medicus satisfaciat, medicamentorum idoneorum ope, brevi felici eventu gaudet: sed Medicina dogmatica quæ has *indicationes* eliciendi methodum optimam nos docet, easdem regulas ad dignoscendos & curandos morbos tradit, dum grassantur Epidemiæ quâlibet. Illas verò si tunc temporis sequeremur, in gravibus & funestis erroribus quotidie versaremur; sæpissimè enim, quæ magis indicata nobis videtur curatio ad morbum præsentem debellandum, Epidemico affectu furente, contraindicatur; ita ut, si illam adhibeas, morbus citò exasperatur. Morbi *intercurrentes* qui Epidemiis accedunt, illâ medendi methodo tractandi sunt quæ variis Epidemiis medetur, sed paululùm accommodatâ ad morbi intercurrentis accidentia. In quibusdam annis morbi Epidemici plures simul sæviunt, sed unus eorum prædominio potitur. Tunc famam sibi, & arti honorem ille solus conciliabit quæ sedulò dignoscere poterit quod symptoma in variis morbis intercurrentibus, quæque Epidemia sibi vindicat; & an huic vel illi symptomati medendum sit. Sed non semper debachatur Epidemia omnibus faciliè dignoscenda; sæpiùs serpit occulta, non nisi à cautissimis deprehensa, suamque omnibus ferè aliis morbis indolem impertitur, vel ab initio vel alio tempore morbi. Sæpe etiam, concurrente cum Epidemiâ morbo primario, morbus exsurgit cujus indolem non faciliè secernas. Denique morbi complures ex quibus alias nullum imminet periculum Epidemiâ sæviante quâlibet, periculosiores evadunt. Non alia est investiganda ratio cur, dum grassantur Epidemiæ, morbi cujusvis generis cum successu tam infelici tractentur à Medico in illarum cognitione & curatione rudi. Quæ dicta sunt confirmabuntur observationibus.

DUM morbis cujusvis generis & imprimis variolæ Epidemicæ furunt, eas quovis symptomate & sub variorum morborum specie invadere, quotie videre est. Qui tunc symptomata vel morbum mentitum curare suscipit, naturam perturbat operantem. Advertit Sydenham febres pleuritidis symptomatibus stipatas, pleuriticis remediis exacerbari, & multum diversâ methodo sanari, quam Epidemia catarrhalis tunc temporis sæviens *indicabat*. Deprehendit præterea, uno & altero post graviolem pestem anno, febres omnes indolem tedolere pestilentialem, pestisque medelam solam sibi vindicare. Febres variolosæ, depuratoria, morbilli, dysenteria per plures annos grassari observata fuerunt. Tunc illarum indolem inducunt morbi *intercurrentes*; quibus ut mederetur Epidemiæ ratio erat habenda. Hoc anno ineunte Epidemia catarrhalis, & morbillosa * in his regionibus, cum plerisque morbis tum acutis tum chronicis complicabatur vel commiscebatur; quam si in curatione instituendâ, animo præsentem non habuisset Medicus, scopum vix attigisset. Sævientibus febribus intermittentibus, affectus plurimi varii generis qui periodicè redeunt, intermittentium specifico remedio feliciter curantur. Ex his sequitur morbo Epidemico sævienti seriò & semper attendendum esse, & in omni ferè morbo medendi methodum Epidemiæ peculiarem adhibendam esse quæ tantummodò ad morbi intercurrentis speciem leviter flectatur.

I V

CONCLUDERE igitur jubent experientia & ratio, absque Epidemiarum cognitione perfectâ, incertam esse morborum multorum curationem: perfecta requiritur cognitio quæ complectatur Epidemiarum magis frequentium, & imprimis earum quæ actu grassantur vel grassari solita sunt, causas, diagnosis, prognosim, & curationem: noscat Medicus morborum complicationes, symptomatum contraindicationes, quæ in Epidemiis variis sæpiùs observantur: noscat morbos qui eis superveniunt, aut in quas illæ mutantur: calleat præcipuè invadendi modum cujusque Epidemiæ proprium, certasque illas distinctionis notas, quas singulis speciebus morbi, naturam impressisse, sagax detexit Sydenham. Si talis Medicus accersatur ad

* Ex. Cuns.
Mss. D. B.
vart, D. M.

ægros febre laborantes, & morbus quivis Epidemicus grassetur, certus brevî fiet de genuinâ morbi indole suâ curâ permissi, primaque morbi tempora utiliter impendere ille solus noscet. Hâc ornati doctrinâ Hippocrates, Baillou, sydenham, Gerbesius dum viverent floruerê, felicissimique practici habiti sunt.

V.

SED objiciet forsan aliquis qui tantum in institutionibus medicis exercitatus, tantum in paxi rudis est, sunt certa principia quæ ad omnes omnino morbos pertinent, & ex quibus hoc vel illud symptoma & phænomenon hoc vel illud remedium flagitat, unde concluditur certam esse morborum omnium curationem, absque præviâ Epidemiarum cognitione. Illud equidem de plurimis morbis verè jactatur aliquando; affirmari nihilominus potest & debet, morbos plerosque huic axiomati non subjacere, dum sæviunt Epidemiæ, teste scilicet repetitâ observatione, testibus exemplis in corollario tertio allatis. Nostram sententiam, ni fallimur, & exemplis adstruximus, & iis argumentis instruximus quibus assentietur quisquis anticipatis opinionibus non fuerit præoccupatus. Maneat hoc igitur inconcussum sævientibus Epidemiis singulos morbos earum naturæ nunc magis nunc minùs contractæ non immeritò esse suspectos, dubiamque illorum esse curationem, nisi Epidemico affectui & morbo cuilibet accedenti simul medeatur.

Ergò in morborum Therapeiâ habenda est ratio Epidemiæ grassantis.

DOMINI DOCTORES DISPUTATURI.

| | | |
|--------------------------------------|---|--|
| M. Joannes-Bapt. Michael BUCQUET. | M. Joannis - Augustinus COUTAVOZ. | M. Laurentius FERRET, Ecclesiæ Cameracensis Canonicus. |
| M. Ambrosius - Augustus BELANGER. | M. Dominicus - Joannes Baptista DE LA BICHE. | M. Joannes-Jacobus BEL- LETESTE, Antiquus Fac- ultatis Decanus. |
| M. Franciscus - Maria LE MOINE. | M. Joannes-Baptista-Eu- genia DUMANGIN. | M. Michael-Philippus BOUVART, Regii ordi- nis Eques, Regiæ Scien- tiarum Academiæ Socius. |

Proponebat Parisiis CLAUDIUS-ANTONIUS CAILLE, Sequanus, Doctor Medicus Bifuntinensis, necnon Saluberrimæ Facultatis Medicinæ Parisiensis Baccalaureus, A. R. S. H. 1772.

A SEXTA AD MERIDIEM.

Typis Quillau, Saluberrimæ Facultatis Medicinæ Typographi 1772.